

*Academiam* Ebraeorum statuendum fit, an ne? Numque idem fit ille locus, quo iuventutem suam bonis artibus et altioribus disciplinis imbui curabant, et quo ius in criminis cuiusdam reum pronuñciabant? Hanc quaestionem inter Christianos eruditos excitandi et proponendi ipsi Iudaeorum DOCTORES ansam praebuerunt, quia non satis perspicue ac distincte in scriptis suis omnia exposuerunt, et ea, quae solum ad בית הרין גדול *domum iudicii magni* referenda erant, non ab iis rebus segregarunt, quae ad בית מדרשות *domum interrogationum seu disquisitionum*, hoc est ad *Academiam* spectabant. Illi autem, qui huic sententiae subscribunt et asserunt, *Synedrion magnum* unum idemque cum Iudaeorum *Academia* fuisse, fortassis, ut mihi quidem uidetur, his ex rationibus euincere student. Primum, quia non solum primis reipublicae Iudaicae florentis temporibus PRAESES *Synedrion magni* tum נשיא *Princeps*, tum ראש הישיבה *Caput Academiae* uocabatur: sed etiam nostris temporibus, ablato sceptro Iudae, quo nullis gaudent *Synedrionis*, RECTOR *Academiarum*, in quo ius docent, nomine אב בית רין *Patris domus iudicii* insignitur, qui alias semper in confessu LXXI. uirorum amplissimo, *Principi*, ut antea in paragrapho tertio a) dictum est, proximus erat. Altera denique causa est, cur hoc affirmant, quod scilicet eodem loco, et iisdem personis *Academia* constituta fuerit quibus *Synedrion magnum*: quoniam illis SENIORIBVS conuenerit et ius dicere, et de rebus dubiis, uexatisque, a *discipulis* et CANDIDATIS quaesiti, respondere, ac sententiam suam, quid de hoc uel illo casu ambiguo statuendum sit, proponere. Sed si ea repetamus, quae iam iam a nobis supra de FORMA et FIGURA SEMICIRCULARI concessus LXXI. uirorum proposita sunt; b)

a) pag. hui. diff. 36. 37.

b) pag. 28. seqq.

et